

驗方新編

卷十

咽喉科。

咽喉秘集目錄

海山仙館編

總論

喉症分經

咽喉治法要論

四絕症

十六絕形

脉式

針穴

吳氏咽喉廿四大症歌訣今存目

喉痺

喉閉

纏喉風

喉風

啞喉風

弄舌喉風

爛喉風

單乳蛾

雙乳蛾

喉癰

牙疔

牙宣

木舌

重舌

重腭

走馬牙疳

疔瘡口疳

螞蝗疔

連珠風

陰虛喉風

楊梅喉癰

咬牙風

張氏七十二症治圖說

咽喉門十一症

簾珠喉

噎食啞喉

內外腫喉

風熱喉

紫色虛喉

喉癰

喉疳

飛揚喉

虛啞喉

聲啞喉

爛痧喉

乳蛾門七症

雙乳蛾

單乳蛾

爛乳蛾

風寒蛾

白色乳蛾

石蛾

伏寒喉蛾

喉痺門七症喉風門十二症

爛喉痺

白色喉痺

寒伏伏痺

雙喉痺

單喉痺

淡紅喉痺

走馬喉痺

內腫鎖喉風

纏喉風

匝古喉風

虛爛喉風

白色喉風

酒毒喉風

勞碌喉風

酒寒喉風

腫爛喉風

肺寒喉風

辛苦喉風

淡紅喉風

喉癰門十一症

伏寒喉癰

腫爛喉癰

淡白喉癰

大紅喉癰

聲啞喉癰

單喉癰

外症喉癰

輓腮喉癰

舌上癰

舌下癰

上腭癰

舌門十三症

木舌

白腫舌

爛邊舌

紅點紫舌

純紫舌

座舌蓮花

重舌

蓮花舌

焦黃舌

舌上珠

舌下珠

左雀舌

右雀珠

小舌門五症

胃火小舌

胃毒小舌

積毒小舌

純白小舌

懸旗小舌

雜症門八症

松子喉疔

走馬牙疳

喉單

喉菌

喉瘤

又喉瘤

左陰瘡

右陰瘡

張氏湯藥列方

吳氏丹藥列方

卷之三

吳氏集卷之三
詩九首

卷之三

咽喉秘集上

吳氏原本
張氏原本

海山仙館編梓

總論

夫左爲咽屬胃右爲喉屬肺乃一身百節之關呼吸出入之門內經云一陰一陽結而爲痺一陰者手少陰君火心之脉氣也一陽者手少陽相火三焦之脉氣也二脉共絡於喉氣熱則內結結甚則腫脹脹甚則氣痺痺者不仁之謂此喉痺之所由名而乳蛾喉閉纏喉等症皆痺類也吳氏說有風寒火濕毒虛之別或風火相搏或寒暑相聚其症變勾不一如漫腫而多痰風與濕也淡白而牙緊風寒也

紫色不腫而爛者風伏寒也紅腫而脉浮者風火也脉沉
實爛而不腫者毒也脉細數而浮者虛火也脉細而緩者
虛寒也六者之象可類推也大凡初起之症診右寸洪緊
肺風也兩關浮數胃火肝風也左寸浮洪心火也右寸沉
遲肺伏寒也右寸沉細肺伏熱也右尺洪大三焦火旺也
左尺浮洪而有力腎虛火炎也六脉大略論治俱可用六
味湯加減症若凶險脉宜細診再察形窮原對症用藥自
然可愈經云神聖功巧不過望聞問切細心推詳庶無差
悞耳

張氏

喉症分經

喉有二孔左爲咽屬胃納食之關右爲喉屬肺納氣之關
口內二脣屬胃陰下脣屬脾陽舌之中屬心四圍屬脾舌

根亦屬心小舌又名帶丁屬胃喉之左右舌根屬肝外兩
耳垂下亦屬肝牙根上屬胃下屬脾舌胎白主寒黃主熱
焦熱甚黑熱極凡舌胎不單論色但有津者非真熱不可
概投涼藥宜引火歸原大舌邊乃脾火可用清涼之劑喉
癰地位屬肝再連內寸許或爛或腫俱屬脾胃火毒之症
結毒亦有之但結毒者兩關脉必沉兩關脉浮非結毒也
此分經大畧再考圖形便悉

張氏說

咽喉治法要論

醫者當審其病由參之時令必須大湧其痰去痰之法先
備溫水使病人漱口如點刺或吹藥合其垂頭流去痰涎
俟痰涎少止仍以溫水頻頻漱之
如虛弱人及病勢重者須要着人扶好或用銀針刺其患

處風熱則散之火症則清之甚者下之陰寒者溫之若初起驟用寒涼之藥則上熱未除中寒復生其毒乘虛而入卽喘不休死不救矣大抵風熱症十之七火症十之三寒症十無一二也

病昏沉痰多氣急飲食不進發熱不退牙關緊閉脉息微弱者症必重

人事不醒痰氣上攻聲如雷噎食眼張天柱倒陷面墨色焦鼻如烟煤張煽不定目睛突出汗發如雨咽喉乾痛聲啞無痰手足麻至膝蓋發喘及呃脉息如絲乃死症也臨症用藥生死反掌醫者不可懷希冀之心故意延挨病者不可起懈怠之念以致決裂古云走馬看咽喉不待少頃者卽此謂也

遇症用藥後痰少腫退卽愈如已潰用藥後越兩日卽可
進飲食者三日後無不收功

喉癰用藥後患處要變紅色知痛痒有津液潤澤者可治
用刀針須向自己勾來不可向病人口內剔去
咽喉忌下刀之地有四處

嚙化

啞門穴

喉關兩肉上

舌下筋

若用刀其刀頭上須蘸已藥或亥申藥庶不作痛
臨症先診其脉象輕重後看其患處深淺若脉絕脉怪脉
死則毋須用藥矣因毒已入腹非藥力所能挽回也
纏喉風及陰虛喉癰二症最險而難治至危而不易識纏
喉風內外無形其患在關內上面有紅絲如朱人心尙可
用藥已入心則不治凡遇此症宜早治在一日半日之內

可保無虞陰虛喉癰如癆蝦皮形有青白點子高低大小
狀如暑天瘡子其症雖危延日最久或一年半載而死或
一月或半月而死如起病數日之前治之十症可得痊愈
看喉腫處其色變紅者即成膿之候可不刺而自潰也
喉症用糯米泔水或甘柑湯或薄荷湯俱要溫和為主山
查焙燥磨細末煎藥內可加一撮乃消腫去毒治咽喉之
要藥也

以上十四條
吳氏說

病人壯者藥可猛弱者攻宜緩

動針不可傷小舌要緊

夜晚看症宜倍加細心藥用六味湯天明復看再為加減
凡針舌下兩邊青筋血紅生血黑死服宜清肺消痰解毒
之劑

以上四條
張氏說

四絕症

走馬喉風

鎖喉風

走馬牙疳

纏喉風

此皆凶險之症若不吐不瀉針之無血藥不能入皆為不治慎之慎之

十六絕形

舌捲囊縮

角弓反張

油汗如珠

十指無血

啞喉噤食

喉乾無痰

吐血喉癰

六脉沉細

聲如鋸拽

大便不通

鼻塌唇青

天柱倒塌

脉細身涼

兩目直視

壅痰氣塞

喉菌不治

左手脉式

心脉悠揚緩散

寸

心包絡

肝脉沉而弦長

關

肝膽

腎脉虛細而冥

尺

膀胱腎

凡診脉一呼一吸四至者平脉也三至為遲六

至為數病脉也

右手脉式

命門脉緩而悠揚

尺

命

脾脉緩而散大

關

脾

肺脉浮濇而短

寸

肺

脉遲則寒脉數則熱細緩則虛寒細數則虛熱六脉

理

胃

三焦

針穴 凡六穴應病行針

頭面	頰車穴	在耳垂下八分	足陽明胃經
右手	少商穴	在大指內甲角	手太陰肺經
	中沖穴	在中指內甲角	手厥陰心包絡經
	少沖穴	在小指內甲角	手太陽小腸經
左手	商陽穴	在食指內甲角	手陽明大腸經
	關沖穴	在無名指外甲角	手少陽三焦經